

Fréttatilkynning: Afkoma Símans hf. á 3F 2019

Umfang sjónvarpsþjónustu fer stöðugt vaxandi

Samanburðarfjárhæðir á þriðja ársfjórðungi 2018 hafa verið uppfærðar í samræmi við breytta meðhöndlun á sýningarrétti sjónvarpsefnis.

- Tekjur á þriðja ársfjórðungi (3F) 2019 námu 7.098 milljónum króna samanborið við 6.969 milljónir króna á sama tímabili 2018 og hækka um 1,9% milli tímabila.
- Rekstrarhagnaður fyrir afskriftir og fjármagnsliði EBITDA nam 2.817 milljónum króna á 3F 2019 samanborið við 2.607 milljónir króna á sama tímabili 2018 og hækkar því um 210 milljónir króna eða 8,1% frá sama tímabili í fyrra. EBITDA hlutfallið er 39,7% fyrir þriðja ársfjórðung 2019 en var 37,4% á sama tímabili 2018. Að teknu tilliti til breytinga vegna IFRS 16 þá nam EBITDA á 3F 2018 2.802 milljón króna og EBITDA hlutfall var 40,2%.
- Hagnaður á 3F 2019 nam 897 milljónum króna samanborið við 978 milljónir króna á sama tímabili 2018.
- Handbært fé frá rekstri án vaxta og skatta nam 4.024 milljónum króna á 3F 2019 en var 2.515 milljónir króna á sama tímabili 2018. Eftir vexti og skatta nam handbært fé frá rekstri 3.590 milljónum króna á 3F 2019 en 2.266 milljónum króna á sama tímabili 2018.
- Vaxtaberandi skuldir námu 16,1 milljörðum króna í lok 3F 2019 en voru 17,2 milljarðar króna í árslok 2018. Hreinar vaxtaberandi skuldir voru 15,6 milljarðar króna í lok 3F 2019 en voru 16,0 milljarðar króna í árslok 2018.
- Hrein fjármagnsgjöld námu 232 milljónum króna á 3F 2019 en voru 211 milljónir króna á sama tímabili 2018 þar af eru áhrif af breytingum vegna IFRS 16 67 milljónir króna á 3F 2019. Fjármagnsgjöld námu 296 milljónum króna, fjármunatekjur voru 55 milljónir króna og gengishagnaður var 9 milljónir króna.
- Eiginfjárhlutfall Símans hf. var 55,4% í lok 3F 2019 og eigið fé 36,3 milljarðar króna.

Orri Hauksson, forstjóri:

„Við erum sátt við rekstur samstæðunnar á þriðja ársfjórðungi. Ófyrirséðir atburðir voru fáiir og EBITDA framlegð eykst lítilllega milli ára. Fjarskiptarekstur Símans og Mílu er á sínum vænta gangi á síðari hluta þessa árs, helstu breytingum á reiki og heildsölu er nú lokið. Meðalverð þokast upp á einstaklingsmarkaði, eftir margra ára tímabil skarpra lækkana. Enn sér þó ekki fyrir endann á verðþrýstingi á fyrirtækjamarkaði. Sala á skýjaþjónustu hefur aukist hratt á árinu og er Sensa í stórum verkefnum er snúa að skýjavæðingu. Þetta hefur áhrif til framlegðarlækkunar á þeirri þjónustu sem færast upp í skýið. Fyrirtæki eru í auknum mæli að nýta sér

skýjaþjónustu og er mikil og aukin eftirspurn eftir sérfræðiaðstoð og lausnum sem tengjast þeirri vegferð og er Sensa að styrkja sig enn frekar á þeim vettvangi.

Góður tekjuvöxtur er í sjónvarpsrekstri milli ára. Síminn Sport hefur notið velgengni umfram væntingar frá því varan fór í loftið á miðjum þriðja fjórðungi. Vel hefur til dæmis gengið að semja um dreifingu vörunnar yfir öll fjarskipta- og sjónvarpsdreifikerfi landsins. Nær enska úrvalsdeildin til allra landsmanna og við sjáum áhugann fara vaxandi, með þeirri vönduðu og sérlega hagstæðu þjónustu sem Síminn Sport er. Við höfum því áfram góðar væntingar til vörunnar næstu mánuði.

Þá hefur Síminn reynt að semja um aldreifingu fyrir Sjónvarp Símans Premium, helstu sjónvarpsvöru okkar, en ekki gengið sem skyldi fram að þessu. Ástæðan er mótstaða Sýnar gegn því að selja aðgang að dreifikerfum í sinni umsjá fyrir Sjónvarp Símans Premium, sem er sú íslenska efnisveita sem langmest er notuð. Síminn verður þannig af möguleikum til aukinnar tekjusköpunar samhliða því að IPTV viðskiptavinir Sýnar hafa ekki möguleika á að kaupa Sjónvarp Símans Premium. Þessi skekkja mun vonandi leiðréttast á næsta ári.

Kostnaðaraðhald er og verður áfram í forgrunni í rekstri Símans. Milli ára fækkar stöðugildum um 40 og má búast við svipaðri breytingu á nýjan leik fram til næsta hausts. Fjárfestingar samstæðunnar hafa verið háar á þessu ári, eins og fyrir hefur legið. Hröð ljósleiðaravæðing Mílu skýrir stærsta hluta fjárfestinganna, sem eru langtímafjárfestingar sem efla verðgildi innviða í eigu samstæðunnar verulega á komandi árum og áratugum. Einnig ýtir breytt meðhöndlun sjónvarpsréttu fjárfestingatölum upp. Markvisst er einnig fjárfest í tækni rekstri Símans og slíkar uppfærslur tækniinnviða munu halda sér til lengri tíma.

Fjárfestingar samstæðunnar í heild munu fara lækkandi á næstu misserum frá því sem nú er. Stafar sú lækkun fyrst og fremst af því hve langt ljósleiðaraverkefnið er komið. Lækkun fjárfestinga nemur í heild nokkur hundruðum milljónum milli ára á næsta ári.“

Helstu niðurstöður í rekstri á fyrstu níu mánuðum 2019

Rekstur

	9M 2019	9M 2018	Breyting	Breyting %
Rekstrartekjur	20.539	20.505	34	0,2%
Kostnaðarverð sölu	(10.539)	(10.283)	(256)	2,5%
Framlegð	10.000	10.222	(222)	-2,2%
<i>Hlutfall af rekstrartekjum</i>	<i>48,7%</i>	<i>49,9%</i>		
Aðrar rekstrartekjur	636	491	145	29,5%
Rekstrarkostnaður	(6.884)	(6.711)	(173)	2,6%
Rekstrarhagnaður	3.752	4.002	(250)	-6,2%
<i>Hlutfall af rekstrartekjum</i>	<i>18,3%</i>	<i>19,5%</i>		
<i>Fjármunatekjur</i>	<i>151</i>	<i>153</i>	<i>(2)</i>	<i>-1,3%</i>
<i>Fjármagnsgjöld</i>	<i>(953)</i>	<i>(727)</i>	<i>(226)</i>	<i>31,1%</i>
<i>Gengismunur</i>	<i>(12)</i>	<i>(9)</i>	<i>(3)</i>	
Hrein fjármagnsgjöld	(814)	(583)	(231)	39,6%
Tekjuskattur	(628)	(701)	73	-10,4%
Hagnaður	2.310	2.718	(408)	
Afskriftir	(4.036)	(3.395)	(641)	
EBITDA*	7.788	7.397	391	5,3%
<i>Hlutfall</i>	<i>36,8%</i>	<i>35,2%</i>		
EBIT	3.752	4.002	(250)	
<i>Hlutfall</i>	<i>17,7%</i>	<i>19,1%</i>		

* Endurgert m.v. breytta framsetningu á sýningarrétti sjónvarpsfénis

Sala á 9M 2019 nam 21.175 milljónum króna samanborið við 20.996 milljónir króna á sama tímabili árið 2018, sem er 0,9% vöxtur milli ára. Tekjur af farsíma námu 4.308 milljónum króna og lækkuðu um 335 milljónir króna eða 7,2% á milli tímabila, þar af nemur lækkun vegna heildsölu og reikipjónustu 250 milljónum króna. Tekjur af talsíma náum 1.368 milljónum króna og lækkuðu um 4,1%. Tekjur af gagnaflutningi námu 6.420 milljónum króna og lækkuðu um 357 milljónir króna eða 5,3% á milli tímabila. Tekjur af sjónvarpsþjónustu námu 4.054 milljón króna og hækkuðu um 555 milljónir króna eða 15,9% á milli tímabila. Tekjur af upplýsingatækni námu 2.737 milljón króna og hækkuðu um 294 milljónir króna eða 12,0% á milli tímabila. Tekjur af vörusölu voru 1.321 milljónir króna og lækka um 111 milljónir króna milli tímabila.

Framlegð á 9M 2019 nam 10.000 milljónum króna og lækkaði um 222 milljónir króna eða 2,2% frá sama tímabili árið 2018. Rekstrarkostnaður nam 6.884 milljónum króna og hækkaði um 173 milljónir króna eða 2,6% frá sama tímabili árið 2018.

Rekstrarhagnaður félagsins fyrir afskriftir og fjármagnsliði EBITDA var 7.788 milljónir króna á 9M 2019 en var 7.397 milljónir króna á sama tímabili árið 2018 og hækkaði því um 391 milljónir króna milli tímabila eða um 5,3%. EBITDA hlutfallið er 36,8% en var 35,2% á sama tímabili árið 2018. Að teknu tilliti til breytinga vegna IFRS 16 þá nam EBITDA á 9M 2018 7.989 milljónum króna og EBITDA hlutfall var 38,1%.


Afskriftir félagsins námu 4.036 milljónum króna á 9M 2019 samanborið við 3.395 milljónir króna á sama tímabili árið 2018 og hækka um 641 milljónir króna milli tímabila. Að teknu tilliti til breytinga vegna IFRS 16 þá eru afskriftir á 9M 2018 3.883 milljónir króna.

Hrein fjármagnsgjöld voru 814 milljónir króna á 9M 2019 og hækkuðu um 231 milljón króna á milli tímabila þar af eru áhrif af breytingum vegna IFRS 16 204 milljónir króna. Áætlaðar voru 50 milljónir króna vegna dóms Héraðsdóms Reykjavíkur í svokölluðu TSC máli. Gjaldfærð varúðarfærsla vegna málsins nemur samtals 100 milljónum króna og var færð á 1F 2019. Hagnaður tímabilsins nam 2.310 milljónum króna samanborið við 2.718 milljónir króna á sama tímabili árið 2018.

Sjóðstreymi

Handbært fé frá rekstri án vaxta og skatta var 8.173 milljónir króna á 9M 2019 samanborið við 7.343 milljónir króna á sama tímabili árið 2018. Eftir vexti og skatta nam handbært fé frá rekstri 7.036 milljón króna á 9M 2019 samanborið við 6.397 milljónir króna á sama tímabili árið 2018.

Fjárfestingarhreyfingar voru 4.984 milljónir króna á 9M 2019 samanborið við 3.798 milljónir króna á sama tímabili árið 2018.



Efnahagur

Heildareignir félagsins námu 65.404 milljónum króna í lok 9M 2019 en voru 58.834 milljónir króna í lok árs 2018.

Vaxtaberandi skuldir voru 16.128 milljónir króna í lok 9M 2019 samanborið við 17.231 milljón króna í lok árs 2018. Hreinar vaxtaberandi skuldir voru 15.571

milljónir króna í lok 9M og lækkuðu um 414 milljónir króna frá árslokum 2018. Hlutfall hreinna vaxtaberandi skulda á móti EBITDA síðastliðinna tólf mánaða var 1,57. Markmið félagsins er að hlutfallið sé á bilinu 1,5 til 2,5.

Eigið fé félagsins nam 36.240 milljónum króna í lok 9M og eiginfjárlutfall félagsins var 55,4%.

	30.9.2019	31.12.2018
Fastafjármunir	58.528	50.956
Veltufjármunir	6.876	7.878
Eignir alls	65.404	58.834
Eigið fé	36.240	35.202
Langtímaskuldir	20.690	16.529
Skammtímaskuldir	8.474	7.103
Skuldir og eigið fé alls	65.404	58.834
Eiginfjárlutfall	55,4%	59,8%

Helstu atburðir á 3F 2019

- Síminn Sport hefur farið vel af stað. Sala áskrifta er yfir áætlunum og áhorf er mikið. Aðdáendur enska boltans virðast taka vel í þær áherslur sem að við höfum lagt upp með eins og UHD útsendingar og að hafa dagskrárgerðarfólk á staðnum þegar að stórleikir fara fram.
- Farsímakerfi Símans sem fagnaði 25 ára afmæli fyrr á árinu nær nú til 99,4% landsmanna. 67 nýir 4G sendar hafa verið settir upp á árinu og afköst stóraukin á 61

stöðum til viðbótar. Við fögnuðum einnig óháðum mælingum Tæknivarpsins sem sýndu að farsímakerfi Símans er hraðasta farsímakerfi landsins.

- Yfir 30 stafrænir starfsmenn eru nú í vinnu allan sólarhringinn hjá Símanum en þjarkavæðing hefur hlotið aukið vægi. Þjarkarnir sjálfvirknivæða marga ferla og síendurtekna vinnu eins og t.d. innslátt í grunnkerfi sem minnkar rekstrarkostnað og eykur gæði þar sem villuhætta er nær engin.
- Sjónvarp Símans Premium heldur áfram að vaxa, áskrifendur hafa aldrei verið fleiri. Fjölbreytt efnisframboð og öflug innlend dagskrárgerð gerir það svo að verkum að áhorfsmet efnisveitunnar halda áfram að falla. Að setja nýjar þáttaraðir inn í heilu lagi af því efni sem Síminn framleiðir í stað þess að sýna einn þátt á viku vekur einnig ánægju áskrifenda og við munum halda því áfram. Síminn hefur formlega óskað eftir því við Sýn hf. að Sjónvarpi Símans Premium verði dreift yfir þeirra sjónvarpskerfi.
- Öryggismál fyrirtækja hafa verið í brennidepli hjá Sensa að undanförunu. Tími og kraftur hefur verið settur í það að aðstoða fyrirtæki að verjast tölvuárásam á tölvukerfi og starfsmenn. Áherslan er á öryggis- og heilbrigðisskoðun á tölvukerfum ásamt öryggishugvekju fyrir starfsmenn, einkum starfsmenn og stjórnendur sem hafa heimild til að óska eftir og sjá um millifærslur fjármuna.

Horfur

Spá fyrir árið 2019 er óbreytt og gerir ráð fyrir að EBITDA félagsins verði á bilinu 10,2 til 10,7 milljarðar króna. Áætlað er að fjárfestingar verði á bilinu 6,0 til 6,4 milljarðar króna.

Kynningarfundur 30. október 2019

Kynningarfundur fyrir markaðsaðila og fjárfesta vegna uppgjorsins verður haldinn miðvikudaginn 30. október kl. 8:30 í húsnæði félagsins, Ármúla 25, Reykjavík.

Á fundinum munu Orri Hauksson forstjóri og Óskar Hauksson fjármálastjóri kynna uppgjör félagsins og svara fyrirspurnum.

Kynningarefni fundarins verður hægt að nálgast á heimasíðu Símans

<https://www.siminn.is/umsimann/uppgjor> og í fréttakerfi Nasdaq Iceland.

Hægt er að fylgjast með fundinum í beinni útsendingu á vefslóðinni:

<https://livestream.com/accounts/11153656/events/8858806/player>

Fjárhagsdagatal 2019

- | | |
|-------------------|------------------|
| • Ársuppgjör 2019 | 25. febrúar 2020 |
| • Aðalfundur 2020 | 19. mars 2020 |

Nánari upplýsingar um uppgjórið veita:

Orri Hauksson, forstjóri Símans, s. 550 6003 (orri@siminn.is)

Óskar Hauksson, fjármálastjóri Símans, s. 550 6003 (oskarh@siminn.is)

Síminn hf.

Síminn á og rekur fyrirtækin Símann, Milu, Sensa, Farsímagreiðslur og Radiómiðun. Síminn er stærsta fjarskiptafyrirtæki landsins og veitir viðskiptavinum, bæði einstaklingum og fyrirtækjum, heildstætt vöruframboð á sviði fjarskipta, afþreyingar og upplýsingatækni.